

Ilanngussaq 2 Akileraartarnermut akitsuusiisarnermullu tunngasut nunap immikkoortuinut eqiterneqarnissaannut pingaarnertut najoqqutarisassat

Naalackersuisut inassuteqarnerisigut Inatsisartut isumaqatigiissut 2. maj 2005-imi aalajangerput akileraartarnermut akitsuusiisarnermullu tunngasut iluarsartuuteqqinneqassasut nunallu immikkoortuinut eqiterneqassasut. Naalackersuisut taamatut aalajangernermik ingerlatsinissamik peqquneqarput. Taamaattumik Naalackersuisut allaffissornermik ingerlataqartut piumaffigaat iluarsartuusseqqeqqullugit nunallu immikkoortuinut eqitereqqullugit, tassunga ilanngullugu inatsisit il.il. pisariaqartut Inatsisartunut saqqummiunneqartussat piareersaqqullugit. Sulineq suliniummi ingerlanneqassaaq, tamatumani KANUKOKA kommuninilu ingerlatsivinnit aallartitat suliassiissutigineqartup ingerlanneqarnissaa siunertaralugu peqataatinneqarluassallutik.

Iluarsartuusseqqinneq nunallu immikkoortuinut eqiterineq – tamatumani pisariillisaaneq sunniuteqarnerunissarlu aammalu aningaasaqarnikkut qummut sunniutit saniatigut – pisortat sulianik ingerlatsinerannut agguaanerannullu annertuumik allanngortitsissaaq. Kommunit naalackersuisullu allaffissornikkut ingerlatsinerannut sulisuinillu sunniuteqassaaq.

Naalackersuisut pingaartippaat iluarsartuusseqqinnermi illuatungeriit eqqumaffigineqassasut, taamaalillutik illuatungeriit ilaannut illuinnarsiorluni pitsaasussaanaq qinerneqaqqunagu. Ataatsimut aalajangiiffigisassaavoq, ataatsimullu pisussaaffiulluni.

Illuatungeriit naatsorsuutigaat akileraartarnermut akitsuusiisarnermullu tunngasuni suliassaq 1. januar 2007-mi ingerlanneqarsinnaassasoq, aammalu ukiumoortumik 5,5 mio. kr.-inik allaffissornikkut sipaarfiusinnaassasoq pisortanullu akileraarutitigut ukiumoortumik 10,0 mio. kr.-inik iluanaaruteqarfiusinnaassasoq. Tamatuma saniatigut akiliisitsiniartarnermut atatillugu suliassat 2008-mi nunap immikkoortuinut eqiterneqassapput allaffissornikkut suli sipaaruteqarfiusussamik pisortallu karsiinut isertitaqarneruffiusussamik.

Taamaalilluni akileraartarnermut akitsuusiisarnermullu tunngasuni suliata taamaalillunilu akiliisitsiniartarnermi suliata nunap immikkoortuinut eqiterineq kommuninut ataatsimoortumik tapiissutini 2005-imut aningaasanut inatsimmi sipaarutissatut tunngavigineqartunut timitaleeqataassapput.

Piffissap 2006-ip ukiullu missingersuusiorfiusup 2007-p tungaanut ataatsimoortumik tapiissutit pilugit isumaqatigiinniarnissap tungaanut akileraartarnermut akitsuusiisarnermullu suliassat nunap immikkoortuinut eqiterneqarnerisa sulisoqarnikkut, allaffeqarnikkut inissaqarnikkullu sunniuteqar-nissaa erseqqinnerusumik naliliiffigineqassaaq, soorluttaaq ataatsimoortumik tapiissutinut sunniutissaat naatsorsorneqassasoq.

Naalackersuisut KANUKOKA-lu isumaqatigiippat suliata siunissami ingerlanneqarnissaannut qanimut suleqatigiinneq aammalu akileraartarnermi tunngasuni kommunini qarasaasiatigut periaatsit ineriartortinneqarnerisa unitsinneqarnissaat qulakkeerneqassasut.

Ukioq 2005 aamma 2006 ikaarsaariarfiussapput, nutaamik aaqqissuussinermut naleqqussaaneqas-salluni Namminersornerullutik Oqartussani kommuninilu sulisussat tamarmiusut naleqquttumik sulisinneqarnissaannik qulakkeerisumik.

Taamaattumik isumaqatigiissutigineqarpoq kommunit 2005-2006-imi akileraartarnermut tunngasu-ni atorfinnik inuttaqanngitsunik inuttaliiniassanngitsut, kommuninilu ataasiakkaani atorfinnik inut-taqartitsinngitsuni tamatumunnga taarsiullugu kommuninit allanit Akileraartarnermilu Pisortaqaq-fimmit sulisussanik pissarsiussasut, tamatumunnga atatillugu aningaasartuutivinnut akiliisoqartas-salluni.

Illuatungeriit isumaqatigiissutigaat Akileraartarnermi Pisortaqarfik piffissami ikaarsaariarnermi 2005-2006-imi akileraartarnermi suliassat isertitsiviusutut ingerlatissagaat, tamatumani kommunit inunnik atorfinitsitsinermiit akikinnerusumik suliaqartitsisinnaanissamut periarfissinneqarlutik.